

尺岡草堂遺集

尺岡草堂遺詩卷七目錄

三湖書院

題孔潤舟太守

昭浹

撫琴圖

贈黃小宋大令

璟

題倪耘劬小清閱閣詩集

送王中丞由粵藩擢撫閩中

追悼石芷叔

苦熱柬伍湘翹萬壽禪院

次韻朗山五月望夜宿學海堂作

黃日坡戈才人上以凌晝像索題其像緋衣紗帽

體貌學應虛爲書山

題戴夢若重繪羅浮圖

苦雨

伯龍先生通守高涼歸示新詩爲賦短章

題倪耘劬野水閒鷗館圖

和陳子厚太守坤張貞女吟

辛未十一月初三日寒甚同人賞雪學海堂吾粵
無雪但雨凝作冰耳爲賦此篇

游彭園次呂拔湖韻

輓福州中丞王公

凱泰

二十二韻

廖伯雪授徒省垣十餘年矣今解帳歸里作此送
之

壬申十二月偶歸息園雨中梅花正繁情田有詩
余不能久住因次其韻

次韻朗山和呂拔湖九日詩

彭園主人見招以事不果往次韻答之

題朗山梅窩新居

題朗翁新居詩成復有所感次前韻

移梅種朗山新居并媵以詩

山堂對弓余支半歸者君皆留宿次朗山韻

再次韻簡同游諸子

次韻朗兄過夢香園兼呈園主人

答梁莘農索畫

王次匡招同劉鷺坡家香根朗山呂拔湖梁茵卿

張韻琴同年置酒學海堂次拔湖韻

戴夢若爲黎文石丈作聽秋圖

慕堂遺詩刊成槍然賦此

和樊昆吾先生山堂看梅作

題蓮鬚閣山水小幅

贈友人赴滇軍

光孝寺嘉樹堂余丙午讀書地也同寓者單小泉
譚麗東今皆下世矣夏日過此爲之愴然

郊行

甲戌除日暖甚獨行至山堂梅復大開視冬至時

尤盛

山響樓看雨呈同游諸子

越日山堂對酒大雨忽晴和呂拔湖

高陶堂司馬

心變

錄所作數十章見示因題其後

丙子十一月同李恢垣陳朗山呂拔湖王次厓遊

白雲山得詩三首

山堂連飲數日梅遂大開拔湖有詩余亦繼作
沈陰連月漫成長句

周生爵臣以詩索畫走筆應之

客談

題張子羅太守

作彥

四會守城紀畧

閣帖偶題

次韻李陶邨園居三首

題戴夢若畫滕王閣圖

龍頭骨歌爲家天如太史

序球

作和蘭甫先生

原唱

附

送衛氏女子

戊寅臘月季女適彭城賦此示之

何青耜都轉解組歸里何丹山爲作送春圖既去

留圖屬李笛樓索題

次韻和朗翁梅窩卽事

尺岡草堂遺詩卷七目錄終

尺岡草堂遺詩卷之七

番禺陳璞著

三湖書院

名山多禪棲否亦仙者屬惟此絕壁下築有學生屋屋
後百尺流直下無底谷混混無晝夜往去來復續一瀉
安有餘乃作三潭瀆蘊彼精銳功豁我壯闊目進取必
盈科閔大在積蓄君看一線源到此展邊幅以茲勵所
學進不至退速居之自得師豈徒樂幽獨

題孔潤舟太守

昭泱

撫琴圖

長松修竹此何處月出呼童抱琴去冷然靜境坐清寒

獨與泉流寫幽素古貌蒼髯瀟灑人自憐猶現宰官身
海隅我却投簪久愧不深山避俗塵

贈黃小宋大令

璣

生長中州意氣豪南歸不解土音操瀧岡表立心纔慰
粵岳吟成韻更高欲向神山啖梨棗早從人海定波濤
詩囊畫卷皆餘事尚有胥間舊寶刀

君以從
戎起家

題倪耘劬小清閼閣詩集

一枝健筆絕纖埃吟徧東西兩粵來沈李輩中誰敵手
張黃門下此清才綵箋寫韻停銀燭紗帽彈棊賭玉杯
蹤跡近聞兼吏隱越王山下草堂開

送王中丞由粵藩擢撫閩中

嶺南東道財賦區盛如流丸止甌與一從互市擣邊
繼之揭竿城北隅盡銷金玉鑄劍戟遂謝豐碩成甕
廿年四海徧兵甲轉饒尚倚爲膏腴月徵歲計百十萬
淚化亦盡鮫人珠邇來中原雖滌蕩甘涼黔滇仍轉輸
藩翰之職總會計當此窘迫何由舒公來莅此善規畫
謹厥出納嚴吏胥事裁允濫漏卮塞政罷搜括窮檐蘇
不積而贏民詎病應外無缺軍有儲其餘廢墮亦修舉
六脈久淤今復渠省城六脈渠湮塞日久大雨水淹彌旬公籌款開通乃免斯患忠祠
使館各崇構公建昭忠祠以祀殉節又建皇華館於東門以待欽使餘力更瞻借

計車

會試盤費以餉細久停公詳請奏復

越井岡頭啟講肄資以絃誦繁

有徒豈惟蓬草拯涸鮒實爲阿閣培鸞雛

公建應元書院延師以課

粵省孝廉有膏火費

凡茲宏制出樽節不以入懷用乃

敷

諸費半由器欸撥出

帝爲甌閩選重寄擢公專闕往撫綏

閩粵之民皆赤子公難歧視起就途粵民私粵苦依戀
攀轅不得心煩紆粵中瘡痍尙未復大澤所在多荏苒
芟擒薙獮非一日筦算儲侍須良謨我代粵民言所欲
敬作此詩毋敢誣想公閱此亦愷惻旌旆將發還踟躕
且爲我民立斯須

追悼石芷叔

余自都門歸聞芷叔已卒於東門道上劉雲生比部爲殮埋之

秋雨瀟瀟忽愴懷斯人淪沒古誰儕吹簫不屑嗟來食
荷鋪真成死便埋中散世難容誕傲東方文自喜恢諧
欲搜遺草無存者寺壁留題亦盡揩

白雲寺壁有芷叔詩今已墜矣

苦熱東伍襄卿萬壽禪院

赤日當空夏晝長廣庭如火熾驕陽盆荷幾柄張高蓋
便當湖亭坐納涼

啓窗欲引午風清脩竹竿踈蔭未成何似老兄蕭寺裏
滿庭槐影帶秋聲

次韻朗山五月望夜宿學海堂作

連朝風雨殺驕陽更洗銀蟾送此堂良夜光同秋鏡滿

空山氣入酒樽涼，窗明鳥夢頻驚曉。露重蟲聲已叶商清興，知君尤不淺吟詩竟夕坐胡床。

黃日坡茂才以杜少陵畫像索題其像緋衣紗帽體貌豐碩戲爲書此

半世江湖落拓身，畫師似與慰沈淪。故將飯顆山頭客寫作金華殿上人。

題戴夢若重繪羅浮圖

爪痕當日憶飛鴻，山與煙雲變滅同。獨有六丁難取去，奇峯四百在胸中。

二樵我亦徧扶筇，廿載烟霞不再逢。今日賴君圖畫在。

最淋漓處認遊蹤

苦雨

自五月至八月皆大雨八月朔夜雨尤大雷霆竟夜平地水深數尺

兼旬夏雨少晴日不斷淋漓秋已深正懼西江連盛漲
又妨南畝賦愁霖風雷昨夜天尤怒衢巷成川陸恐沉
聞道長安亦淫潦

京師亦連雨永定河決汪洋數百里

不知大造竟何心

伯龍先生通守高涼歸示新詩爲賦短章

宦蹟謳思又海隅使君通介近今無與民休息宜黃老
卽事篇章似陸蘇政暇輒攜筇竹杖客來時寫荔枝圖
歸裝示我新添句清韻琅琅未可摹

題倪耘劬野水閒鷗館圖

小築空亭一角側
臨十畝方塘盡
把紅塵隔斷
但看烟水微茫

對岸青山如畫
鄰家都似漁船
更是柳陰花影
稱君紗帽悶眠

和陳子厚太守坤張貞女吟

貞女河南人
隨父宦嶺南
以孝聞
字錢唐
馮植甫未于歸
而植甫歿
家徒四壁
立無強近之親
貞女泣誓
靡他
請於父母
至馮家
詣壻柩前
成服
壻父子四棺
在厝
悉爲營地葬之
并爲立後云

吾粵多貞女其風猶可攀聞郎有資產亦或有園田爲

郎守貞原不難

粵俗守貞女曰守清順德此風尤盛然夫家必富室乃往焉

嬛嬛馮

氏子孑然遺一身家徒四壁立戚串亦何人忽然化朝
露一家四樞皆無墳皎皎張家女許君未情親乃誓不
他適麻衣鬢髻赴君門君門蕭條無人哭獨有女聲哀
徹空中雲父母憫女節爲窆翁姥并及君宗族感女義
爲擇嗣子存後昆道旁萬人嘖嘖歎共歎張家閨閣之
貞女乃是馮氏門戶之功臣吁嗟乎人閨之女有如此
貧門可慰郎天死

辛未十一月初三日寒甚同人賞雪學海堂吾粵

無雪但雨凝作冰耳爲賦此篇

兩年窮冬客幽并馬蹄時踏河上冰三年殘臘在章貢
雪花亂撲帽檐重自歸炎海又十年眼中久失瓊葩妍
粵人不識雪何似只有梅花差可擬山堂梅作年年花
花落真看千點斜今年不用待花發舉似已有鏡中髮
鏡中白髮亦日稀更憶佗城飛雪時道光乙未大雪傳爲異事三十
七年真一瞬仍對梅花把酒卮

游彭園次呂拔湖韻

眞園在平野路坦無升墜樓牕四面開不復知向背
吾生竟槩似非進亦非退偶然值佳招卽與謝俗累猶勝

行作吏便於此事廢却愧園主人幽勝日相對風雨憐
客暫陡起生變態聲出萬柄荷驟若縱千轡少焉入松
竹嫋嫋尙清吹此時忘主賓此境亦偶寄餘涼滿酒盞
殆以勸一醉

輓福州中丞王公凱泰二十二韻

久切陽春盼驚聞噩信傳大星沈海島萬淚灑炎天故
吏欽前軌疆臣失此賢 帝方期大用時正倚籌邊荒

服披叢棘王程冒瘴煙

赴臺灣
辨生番

苦心馴獠獠齋志墮飛

鷺

公感瘴
氣病歿

嶺嶠旌嘗駐

同治八九年
開藩吾粵

屏藩政可編明同

懸寶鏡潔早勵貪泉偉略今劉晏精思古計然軍儲供

境外水利濬濠墾

粵時每年外省協餉以數十萬計公籌備充裕又開六脈古渠城內居民

得免水

履畝除苛斂

罷丈量沙田之役

征商核算緝

剔抽釐中飽之弊

轉輸民不病銓敘吏無偏振拔情尤摯甄陶畫亦全廣

開君子館穩送孝廉船

建應元書院課舉人復捐俸給計借之費

下士承葑

非留賓與

去聲

几筵

璞屢承召食訪求民隱

優容蒙格外尺寸借階

前

派璞充書院紳董

忽秉閩中節羣攀粵路駢難留雙轂轉猶

冀八騶旋何意摧梁木茲行等逝川面勢思耿秉屍裹

惜文淵像定雲臺繪功應衛鼎鐫殉知吾擬誅愴恨不

成篇

廖伯雪授徒省垣十餘年矣今解帳歸里作此送

之

鄉園咫尺屢辭家生計年年擁絳紗已謝學徒談帖括
好從田父話桑麻壯心長付杯中酒幽事重扶檻外花
歎我勞薪成白首晚林未得逐棲鴉

壬申十二月偶歸息園雨中梅花正繁情田有詩
余不能久住因次其韻

年年花發盼歸人今日人歸花正新雨細雲寒開緩緩
枝繁蕊密訛頻頻地憐井里難多住疲厭津梁易愴神
風雪明朝挂帆去賴君吟徧故園春

次韻朗山和呂拔湖九日詩

高風送雁又重陽
掣榼同登越井岡
野菊黃遲因夏雨
木葉紅開任秋霜
還家王粲貧仍健
愛酒劉伶老更狂
我獨豪情都減盡
空搔短髮怯清觴

彭園主人見招以事不果往次韻答之

愛竹清於王子猷
吟詩淡似韋蘇州
築得園林負城郭
攜將笠屐傲公侯
九秋菊盞重陽會
三月蘭亭禊事修
消夏荷花更千頃
時時風景足勾留

回憶前踪未渺然
樓頭笑語落溪煙
主人好客多今雨

朗山湘鄉皆
余代招致

長日看花愛小年
密綠輕翻凝碧沼
鋪紅

平作落霞天倚闌
忽有勞生感得與
清游亦舊緣

好事如尋未了棋連香訂約遣新詩慚余林下投簪容
偏負花前載酒期蠶繭自纏殊不覺鷗盟可踐亦難知
何當決出塵中網來覓溪松寄一枝

題朗山梅窩新居

荒園數晦屋三閒好與幽人共往還庭小自邀連夜月
簷低却見入城山半池秋水清能照一榻梅花夢已閒
收拾平生付蕭瑟漫論詞賦動江關

題朗翁新居詩成復有所感次前韻

擾擾風塵天地閒息機回首早知還難成霖雨空辭岫
本是清泉好在山僻處一枝欣有托人生萬事不如閒

草堂舊亦開三徑松菊慚余未掩關

謂息園

移梅種朗山新居并賸以詩

高齋初卜林塘幽閒雲欲去明月留紙窗如雪篆烟冷
尊中綠醕香新筍醉吟念子無伴侶遣取繁花催健步
定應夢似羅浮邨忽有縞衣來敏戶

山堂對月余夜半歸諸君皆留宿次朗山韻

清絕山堂月無夕不我待而我不一至竹木空光彩今
夕喜我來幽意較常倍似憐我別久照見須髮改又若
愛我狂袒裼不嫌浼笑我二十年浩浩墮塵海更爲濯
我魄滌蕩出庸猥一夕清氣回本性知尙在境寂心自

道不遠其殆胡爲又獨歸明日應自悔

再與諸同游諸子

遊事得無恨不欲何待况有山月涼皓皓燦成彩朋
舊未易得三人數竟倍

同集者六人

浮雲有聚散素心終不

改孤光耿在抱世故焉能挽惟愁不勝酒不復吸江海
猶能縱豪談宏闊謝瑣猥廿年足感喟一夕得自在蟲
聲喧亦靜清夢穩不殆醉醒各有適去住兩無悔

次韻朗兄過夢香園兼呈園主人

招得青山到座隅幽居如展輞川圖欄迴徑曲敲斜入
草色花光次第摹短策尋春拖屐去餘杯盡醉隔離呼

城中此獨囂塵遠始信壺公自一壺

園主人能畫知醫

答梁莘農索畫

壯夫雕蟲不屑爲繪畫小技尤卑卑嗟余少賤能鄙事
豈有邱壑胷中奇忽忽無成已頭白聊假水墨相娛嬉
前輩典型我何有後起之秀今伊誰梁生英英頗挺出
詩思天矯蟠蛟螭興來放筆作直幹風枝雨葉何紛披
淋漓休便誇世俗灑落却喜同襟期梅窩詩老我莫逆
高韻遠識真子師爲言在昔古作者讀破萬卷無所遺
兀兀立如萬仞壁汪汪淼若干頃陂胷懷洞達無窒礙
根柢磐礴芟葉枝偶然濡豪恣揮灑自有意趣非人知

我嘗期此力未逮子勿自阻請事斯笑余蹇弱無能
枝枝節節而爲之不辭黠綴充子玩但恐見者皆攢眉
不如與子躡雲嶠臥看煙雨相合離酒酣絕叫洪谷子
飛泉千尺蒼厓垂

王次厓招同劉鸞坡家香根朗山呂拔湖梁茵卿
張韻琴同年置酒學海堂次拔湖韻

梧桐踈點一聲聲逗到新涼襲袂輕列岫忽橫天外墨
薄雲時漏雨邊晴風光可賞休相負壘塊頻澆已盡平
登眺不生搖落感悠然把酒對秋英

戴夢若爲黎文石丈作聽秋圖

秋土空山抱幽獨買夏尋春意不屬高懷無滓清似水
愛倚疎林對寒瀑故人畫筆最瀟灑爲寫秋聲滿空谷
至今紙上風泠泠搖動窗前萬竿竹

慕堂遺詩刊成愴然賦此

窮巷沈淪自古愁更堪零落早山邱孰知絕代難爲偶
豈謂生才似此休展卷微聞瑤瑟怨翦燈疑話玉山秋
戊申己酉之間余與李恢垣寓越秀山慕堂常詣劇談竟夕方干身後還誰識卽說
能傳復謬悠

和樊昆吾先生山堂看梅作

寒擱梢頭暖乍回長空未撥凍雲開幽香連日禁風雨

爲待吾儕載酒來

太傅祠前石路微，萬花作雪點人衣。
闌干高出來平視，環佩階前拜玉妃。

如此繁英亦儘奇，蘿岡休恨負花期。

近訂蘿岡之遊未果

惜猶未

襍山堂被卧到參橫，月落時

對花不覺感年華，苦被花催鬢雪加。
鏡腳道人聞大笑

已看八十五回花

先生年八十五健若少壯也

題蓮鬚閣山水小幅

晴眉閣上曉嵐生，尚有雲峯到眼明。
欲向河山扶半壁，層層筆底自崢嶸。

金戈鐵馬早烟消碧血虔城久寂寥留得殘縑遺墨在
迷離山影認前朝

贈友人赴滇軍

市上相逢酒一卮思君不見亦多時鬢鬢似此難辭老
肝膽平生竟向誰看劍燈前光黯澹題詩壁上墨淋漓
別余又欲從軍去聽報西戎斬月支

光孝寺嘉樹堂余丙午讀書地也同寓者單小泉
譚麗東今皆下世矣夏日過此爲之愴然

歸然城北古訶林禪榻蕭蕭覆綠陰曾借佛燈供夜讀
閒拈秋葉寫新吟菩提根榦風霜護棟宇齊梁歲月深

同住故人多宿草卅年鴻爪漫重尋

郊行

烏柏初紅林翠分筍輿遠近逐溪雲
郊垌偶涉成新趣野老相逢說近聞
蒲澗草荒君子館梅坳烟冷美人墳
笑渠隴畔爭墩客不到荆榛不解紛

道旁爭墓有勸之不聽者

甲戌除日暖甚獨行至山堂梅復大開視冬至時

尤盛

梅花孤高致蕭散避寒趨暖花應嬾何意寒開暖復開
知爾能寒亦能暖人間寒暖本無定昨可重裘今可袒
芬芳璀璨吾自有寒暖在人安得限倘徒耐寒不耐煖

造物且將攻汝短不見山堂寂寞歲垂盡故放晴葩釀
春滿視前門雪香更濃似勸徂年歸且緩獨憐此意在
空谷終日閉門無客款我爲作詩傳世人花聞無言色

微赧

有紅梅數
株亦漸開

山響樓看雨呈同遊諸子

溼雲萬重裏城郭越山昂頭聳高閣憑高亦不辨江山
一氣微茫混寥廓十旬苦雨厭雨聲昏昏似此何由晴
滇江決堤壞廬舍休論早稻不得耕山僧勸客勿辭酒
窗前烟景非常有當途自有憂時人林下須隨醉鄉叟
客聞僧語意稍怡山色空濛雨果奇造物由來萬千變

會見烟銷日出時

越日山堂對酒大雨忽晴和呂拔湖

天公豈吝晴陰霾不肯解淋浪雨連月坐致陽氣餒何
以振幽鬱呼酒登爽塏那知憑高處更見陸成海水懦
民輒玩沈溺爾何悔誰能移田疇遷舉陟崔嵬尙欲推
所由上以罪真宰狂言一激昂氣候似變改兩師旣旋
轍陽烏漸騰彩子自感無端不顧聽者駭一醉迴陽和
言之固非罪我亦借子杯澆此胷中塊

高陶堂司馬

心夢

錄所作數十章見示因題其後

三楚風騷地

陶堂江右人
久游楚北

如君亦所稀受材獨雄驚託

與自深微絕壑老龍吼寥天一鶴飛生平多崛強低首
謝元暉

丙子十一月同李恢垣陳朗山呂拔湖王次厓遊

白雲山得詩三首

雲山北郭外迢迢遞隱見屈指昔來遊卅載倏飛電凌
晨清興發招邀筍輿便南中氣候暖經冬少冰霰蒼翠
不改顏峯岫何由變泉聲先遠迎拱揖到疊巘崇巖與
邃谷次第出相見歡然各握手松竹皆舞抃有若平生
親久別得一面

嶄嶄安期巖此境最峻嶒仙山亦佛地幽棲兩三僧我

識其祖師今見皆孫會殷勤作美食木菌雜竹萌雲樓
瞰東溟竟日海氣蒸壁上舊題字信宿記我曾前遊多
宿草感此不忍登

己酉同住此樓陳八桂周
夢石單小泉皆下世矣

過橋尋雙溪忽覩新棟宇山僧葺舊廬莊嚴變幽阻佛
力果不細窮谷煥堂廡沿厓到能仁殿閣亦軒翥林間
耀金碧頗覺非其侶獨有邱壑佳令我不能去回首七
子壇可歎久榛莽

雲泉山館
蕩然無存

儒門真澹泊一蹶不復舉

山堂連飲數日梅遂大開拔湖有詩余亦繼作

山堂寒梅百餘樹年年作花娛酒人酒人近似不能酒
花亦自惜枝頭春連日招攜玉缸倒一杯在手安知老

林間漸有暗香來，忽覩繁花映晴昊。對花不飲，花應嗤是花，更與酒相宜。勿論堂上千秋業，花香酒香無盡時。
沈陰連月漫成長句

層樓亦失嵯峨勢，爽塏都如沮洳區。僵臥暗窗噤不語，冷煨溼火蟄纔蘇。幾希日月容光照，俯仰乾坤正氣孤。安得奔霆破幽翳，更無快剪薙榛蕪。

周生爵臣以詩索畫走筆應之

少小喜泉石，夢寐羅煙鬢。恨爲塵中人，不得置身萬壑。千巖間林巒胸中，不能去唾向紙上。重雲疊藹青孱顏，妙意追董巨筆力。窮荆關含毫吮墨，自怡悅豈思眩世。

傳人寰朋儕乍見苦求索寸縑尺素時爲好事窮臍攀
世人貴耳謬矜許長幅短軸雜遝橫相干奚能一一日
與役揮灑襪材大好收之篋笥不復還周生雅尙頗不
俗愛奇嗜古今所難雲林清閔具鑒別名蹟可購輒苦
空囊慳詩來乞我紙上山句出寒餓秀骨偏珊珊我笑
將軍丹青工矣乃輝貴戚權門之屏幃此筆一何孱周
生周生自佳士我敢矜能事五水十石不爲生揮毫落
紙視若世俗相等閒還生東絹水墨溼請生看與石田
徵仲能否同其班

客談

雨過軒窗晚乍涼，客來絮絮話何長。
鴛鴦例得先騏驎，鴻鵠時還變鳳皇。
人世風塵常擾擾，古今得失自茫茫。
安知許事君休矣，洗盞呼兒覓杜康。

題張子羅太守

作彥

四會守城紀畧

巖邑一官守，孤城萬寇圍。
餉窮流馬運，信斷紙鳶飛。
智勇艱危出，精誠感召微。
卒能完土宇，奇績古人稀。

閣帖偶題

北碑南帖本分途，妙蹟全憑祕閣摹。
近愛六朝搜斷碣，不知草法要傳無。

侍書鑒識誚平常，終出熙陵御府藏。
閒有倣書疑贗鼎

或非魏晉亦隋唐

漢帝千文詎匪訛右軍聖教又如何集成只是編題誤
章草遺規已足多

伯英草是山陰筆復得鄱陽語可徵黃米并疑張長史
解書減病豈渠能

樂毅黃庭未暇刊二王草法足奇觀遂令白騎長風帖
也作元常手筆看

次韻李陶邨園居三首

園在大通寺右張南山舊園也歿後荒廢已易主矣

陶邨寓此令其子耕植爲活

一生江海客老圃寄閒身歸鶴毳毳羽潛魚踏蹬鱗難

書仍靜夜抱甕向清晨我亦思持畚相從戴笠人

秋井堆霜葉荒池入海潮年深松有瘦寒甚豆無苗此
日鋤雲地當時步月橋何堪一俯仰暮暮復朝朝

張燈桃李夜把盞綺羅叢往事羣賢集新園花事豐醉
吟同白傅著述擬王通冷落今來此知君感爨桐

君素為南

翁所賞

題戴夢若畫滕王閣圖

不廢江河萬古流子安才筆本無儔那知後代丹青妙
寫出長天一色秋

高閣初登未亂前重尋勝蹟剩荒烟

辛亥北行泊舟閣下戊午遊宦此地

閣成瓦礫矣今
未知重建否
披圖省識西山影
棖觸遊踪已平年

龍頭骨歌爲家天如太史序球作和蘭甫先生

山堂相招看龍骨平生所覩最奇崛
輪囷槎枒凹復凸其前稍出如竈突
若牙若角若兩眶無額無頰準則長
片鱗寸甲皆銷亡但聞更有脛骨強
龍之爲物何人見茂先不作孰能辨
飛騰雷雨萬千變朽骨仍難識真面
西樵山下古龍湫千年遺蛻良有由
當時未有周孝侯重淵誰來斷此頭
修鱗已沒洪波靜凝作桑麻數千頃
君藏此物莫與並奇古惟當視彝鼎

原唱

陳澧

西樵之山古在大海中山根窟穴多魚龍一千餘年
海水變平陸萬頃稻田萬家屋中有吾宗太史家穿
渠蓄水栽桑麻百夫舉鍤驚且譁舁出龍頭之骨真
專車色如鏐鐵形豁訝其前穹窿左右窪中通一孔
後兩杈厥角已折存者雙髻丫庚庚橫理離而瓜或
云非角乃其牙孰能昭晰從紛拏總之非蛟非鱷非
螭蛇粵江雨晴天氣朗太史開筵粵山上招邀衆客
盡豪翰喜得巨觀同歎賞青蓮學士李君本好奇自
言龍骨昔見之洞庭龍鬥墮其一楚客藏弄節與肢
短小與此非等夷愈知此物海內未曾有秉史筆者

宜書所見無異辭

史穆堂太史陳古樵郡丞時脩廣州府志

又當調鉛吮

墨煩畫師真形摹繪窮豪釐後有張華博物作志得有考於斯談龍甫畢快呼酒諸公題詩八又手僭者山堂一病叟今日良會信非偶記取五月望日歲丁

丑

送衛氏女子

三女汝居中汝母尤愛憐汝姊出閣早前汝十二年汝少姊六齡近覺期稍愆歸妹況在臘汝行能不先惟汝久膝下依戀中拳拳生願爲有家乃又自昔然汝家雖未豐遠出我家前汝婿亦云快新補弟子員以茲慰汝

母稍解別緒懸更求父心歡往盡婦道全資裝愧不多
一視汝姊焉臨發重拂拭書作送女篇

戊寅臘月季女適彭城賦此示之

庭梅初發花高枝綴瓊瓊汝姊甫出閣今又遣汝行相
遣一何遽依戀亦常情母愛無厚薄一視兩女兒汝行
勿悵悵松蘿本相縈阿翁我同年共學如耦耕申以兒
女昏用締永好盟翁言未去耳何期遽騎鯨衰親已龍
鍾孤兒何伶俜今日將百兩軒車來汝迎汝往事祖姑
淑慎無驕矜要得老人意相持家道成阿翁九原慰亦
不忝所生作詩題奩錄臨行重叮囑

何青耜都轉解組歸里何丹山爲作送春圖旣去

留圖屬李笛樓索題

木棉嶺外初落子規林裏頻啼有客臨江話別一杯並
送春歸

殷勤屢承下顧奉手一面無緣

都轉枉駕暇
廬余適他出

瀕行留畫

索句披圖極目歸船

次韻和朗翁梅窩卽事

歸來栗里賦移居背郭依山靜卜廬長日閉門深竹裏
一瓶濁酒半牀書

侵尋白髮鏡中見醅酌醅顏酒後逢莫道秋光遜春色

嫣紅開遍木芙蓉

羣山翠擁半邊城
檐際層雲凝不行
倒影忽沈波底碧
湛然無礙一泓清

瀾茗呼童汲澗泉
筆床茶竈最輕便
更鋪竹簟梧桐下
好借清陰護晝眠

虱塵廿載鬢成絲
閉戶焚香又一時
讀得漆園齊物論
善谷不假養生資

百年銅狄幾摩挲
成往事銷沈柰爾何
再過酒家壚畔

飲高陽舊侶已無多

素與酣飲者顏紫壚應
冕卿諸子皆宿草久矣

例茅高臥古爲徒
剝啄無人雪載途
猶有白衣來送酒

不煩索米向胡奴

拊缶狂歌我尙勝
嗚嗚已落第三乘
吹蘆去和梅花弄
裂石穿雲汝可能

尺岡草堂遺詩卷之七終

男衍緒校字

尺岡草堂遺詩卷八目錄

繫舟

漫成

春日次韻朗山見懷之作

答情田見贈

岳緣饋羅望賦此并謝

緣萼梅

題陳子厚太守嶺南雜事詩

王茹泉常博八十六重遊泮水徵詩

庚辰十一月長至前二日梁芷卿招同陳朗山呂

拔湖王次厓伍湘卿李陶村陳香根馬季立集
半塘陳氏園探梅梅未開也賦此索和

余遊邏岡羅浮今俱四十年矣李陶邨以邏岡探
梅圖索題感而賦此

庚辰小除日集海幢寺卓公丈室同集者十人王
茹泉年八十六卓和尚年七十五金芭堂年七
十李陶邨年六十九陳朗山六十六伍襄卿六
十五呂拔湖六十四陳香根與余俱六十二梁
茵卿五十九爲最少矣

辛巳正月初八日陳香根訂小蓬仙館之游阻雨

移席萬壽庵

二十二日襄卿招集萬壽寺十二芙蓉池館賞折
枝桃花座中復訂越日遊小蓬仙館余不能從
矣

香根襄卿往遊小蓬仙館詩見示賦此奉和
朗山招集山堂和作

和史穆堂繼園蓮菊並蒂圖之作

和孫稼亭同年春雨感懷原韻

劉禹臣以令祖樸石先生自書詩卷屬題

戴夢若自畫羅浮泉石小影屬題

送于晦若試京兆

奚鐵生谿堂琴趣圖

讀史

叔興父簋歌爲李翼韓作

次韻呂拔湖歲暮詩三首

朗山沒年餘矣歲暮檢案頭書得其贈襄卿舊作
次韻并示襄卿

朗山詩附

王茹臬招同金芭堂陸舜雲李陶村呂拔湖何澹

腴梁荔浦春日小集次芭堂韻

茹泉疊前韻索和卽答

和王茹泉三疊韻

題畫絕句

答羅秋浦

乙酉四月浴佛伍襄卿七十壽辰置酒招同兒輩

集小田園次韻

移居西郊與墻園比鄰次伊雲卿韻

乙酉潦漲記事兼懷伍襄卿七首

種菊次韻

學海堂登高次李陶邨韻

和陳香根患疥不出之作

題楊椒坪春溪照影圖

冬日過海幢寺赴寶筏上人之招得句兼呈符子

琴楊椒坪何一山邱璘卿同集諸子索和

疊韻簡楊椒坪

椒坪招集鶴州草堂次瑤生韻

符子琴司馬見和三疊韻奉答

望日忽雨恐不能赴椒坪之約四疊韻却寄

呼舟

丙戌元旦集萬壽禪院同呂拔湖伍襄卿

四日再集酒後呼舟同訪海山仙館舊址
人日前一日三集喜香根至越日寄此

偶步

冬日冒雨赴香根小蓬仙館之招次何淡腴韻
符子琴司馬置酒魚雷局歸成長句爲謝

送何一山赴福州

椒坪屬題令祖看山遺照二絕句

又題禮堂丈采蘭遺像

雪鴻花圖爲楊椒坪題

潘鴻軒文學百果圖歌

山堂對酒家麗秋同年談西使行事謹成長句奉

贈

題張介如石竈烹茶圖

芭蕉修竹便面

題畫

又

小田宗世兄以詩稿屬爲點定因題

丙戌小田園登高次譚彤士工部韻

尺岡草堂遺詩卷八目錄終

尺岡草堂遺詩卷之八

番禺陳璞著

繫舟

瑣屑煩天聽
聒牙與世違
過鵝容仰嚇
秋燕本思歸
霧重晝猶晦
江平波自微
漁人繫舟去
細雨任沾衣

漫成

藏身鍼孔足
婆娑况有荒廬半畝多
一瞬桑田還變海
寸心古井早無波
浮沈已付洪喬寄
清濁誰聽孺子歌
却笑南山楊子幼
烏鳥擊缶待如何

春日次韻朗山見懷之作

銅琶鍊板忽哀歌今古茫茫付逝波

來詩有百年不覺駒過隙萬事真成

蟻夢柯之句

寫意未堪塗粉壁怡顏猶得盼庭柯爲人治病

三年艾與佛相高十丈魔大笑隨君踏春去春來晴日

正無多

呂拔湖有看桃花之約

答情田見贈

世閒馬耳射東風

東坡句

偃卧蓬廬往事空口衆易投慈

母杼心平只失楚人弓禪衣短布原初服淺水蘆花自

釣篷慚愧君詩相頌禱解嘲奚用擬揚雄

岳緣饋蠶望賦此并謝

蠶望俗呼望果新語言能止船暈止渴味極甜蜜望

其花而喜故曰蠶望

梢頭青顆影離離恰介羊桃與荔支果盛漫疑爲歉歲

果多則歲歉新語謂是天桃非蜜望

花多非盡屬虛辭

世目夸誕者曰望果花言花多實少

也然尚不至如世之妄言無一實者津生酒美茶甘外神定顛風駭浪時
我豈亦思浮海去故人珍重遠相貽

綠萼梅

偶有所感拈山堂舊題擬作四首

別有仙姝出翠幃黛鬢紺髮影依稀天寒倚竹初垂袖
月下敲門已換衣澹惹茜痕疑着色瘦憐雪點不添肥
啁啾喚起羅浮夢萼綠華來是也非

慘綠翩翩閬苑仙盈盈小玉破瓜年蛾眉淡掃羞紅粉
宮額新妝貼翠鈿何日辭歸青鎖闥幾生脩到碧雲天

嬌嬈自有冰霜操萬紫千紅漫鬥妍

空階一樣月黃昏却比瓊英略有痕春漲似留臨水影
幽香初返墜樓魂幼憐碧玉名同喚珍比明珠價漫論
探遠但勞青鳥使九疑山下綠蘿村

似蹙雙蛾傍畫樓黃裳寫恨笛聲幽紉蘭作佩憑渠妒
看碧成朱替汝愁珍重可如青玉案愛憐空賜翠雲裘
那知十二層城裡不識人閒有怨尤

題陳子厚太守嶺南雜事詩

爲政風流事若何山川土俗入搜羅雅才舊數方孚若

百詠編成却未多

君詩三百較南海
百詠爲更博矣

桂海虞衡傳范氏炎方草木紀稽含如何乍過驂鸞容
勝嶺南人說嶺南

逸事遺聞手自牋香山諷諭豈徒然笑他異物矜南裔
嶺外空成代答編

竹馬兒童盼不勝瓊潮宦蹟更峻嶒爲君試采輿人頌
應比君詩十倍增

君惠政遍嶺嶠
頌聲傳播遠近

王茹泉常博八十六重遊泮水徵詩

先生八十未華顛今值初遊泮水年証果早參無量佛
簪花爭看地行仙他時再宴還應爾此事重逢不偶然
要使人閒存古處後凋松栢總關天

庚辰十一月長至前二日梁芷卿招同陳朗山呂
拔湖王次厓伍湘卿李陶村陳香根馬季立集
半塘陳氏園探梅梅未開也賦此索和

雞黍招邀趁野梅便乘籃筍出城隈幽花未許人看早

晴日如知客約來

寒雨是日忽晴

草屐山衣容散誕水邊籬下

足徘徊浮生共醉原難得

香根以病起止酒

相對休停在手杯

白髮交遊幾輩存尙堪林麓倒青樽竹閒徑造何須問
松下相於可與言魚鳥不猜無世態溪山如畫此名園
習家池許山公醉須買輕舟日斂門

余遊邏岡羅浮今俱四十年矣李陶邨以邏岡探

梅圖索題感而賦此

晴昊繁花十萬枝游踪卅載半迷離畫圖不省邏岡隣
認作羅浮月落時

庚辰小除日集海幢寺卓公文室同集者十人王
茹泉年八十六卓和尚年七十五金芑堂年七
十李陶邨六十九陳朗山六十六伍襄卿六十
五呂拔湖六十四陳香根與余俱六十二梁蔭
卿五十九爲最少矣

六年不喚河南渡殘臘來聽海寺鐘舊識僧今多退院
序經曇樹久退院
卓公亦將退院云同游客亦半支筇壁間題句尋前蹟

江上春光訂後蹤香根約人曰我似津梁疲侍者好憑
清興起衰慵爲花堞之游

辛巳正月初八日陳香根訂小蓬仙館之遊阻雨
移席萬壽庵

擬向烟波泛畫艫冷雲凍雨意難降昨招吟侶仍尋約
老怯春寒不渡江竹葉送香開客座桃花和雪豔僧窗
漫愁歸路莓苔滑借得沙彌蠟屐雙

二十二日襄卿招集萬壽寺十二芙蓉池館賞折
枝桃花座中復訂越日游小蓬仙館余不能從
矣

竹徑通幽曲復斜，禪房水木亦清華。寄居不礙長依佛，
襄卿館此十餘年矣覓醉何妨又借花。新漲半泓浮暖碧，折枝八
尺麗朝霞。趁晴更買芳村棹，獨我扁舟興轉賒。

香根襄卿往遊小蓬仙館以詩見示賦此奉和

初日曛曛散曉烟，半江春水送春船。游蹤真到蓬萊島，
便道還尋茉莉田。醺醪相攜原有約，胡麻一飯竟無緣。
余前以阻雨今復不果行岼邊空羨同舟侶，渺渺滄波望若仙。

朗山招集山堂和作

纔持桂檝劃烟波，又拄藤枝上翠螺。老去豪情殊不淺，
春來勝事未嫌多。木棉城郭紅疑繡，芳草郊原碧欲拖。

如此風光方爛漫吟邊我亦醉顏酡

和史穆堂繼園蓮菊並蒂圖之作

卜得園居遠市塵杜門坐對百花新
芳池已弄雙雙影秋砌還成簇簇春
林下早攜偕隱婦水邊如遇耦耕人
曲闌許作聯吟侶更擬籬東共結鄰

和孫稼亭同年春雨感懷原韻

獨掩幽窗雨竟宵霏霏寒似雪初消
重陰黯澹難知曉殘夢迷離鹿覆蕉
枕上得詩旋已忘胸中借酒與頻澆
朝來尚有看花約肯使春心不自聊

劉禹臣以令祖樸石先生自書詩卷屬題

老輩丰裁峻端居想爾時篇章集羣雅

先生編有嶺南羣雅集

架

範作人師此日清風遠相看妙墨垂喜君勤拾襲手澤
幾留貽

戴夢若自畫羅浮泉石小影屬題

名山曾一遊未盡泉石興
胸中富邱壑筆下具巖磴
飛泉疊玉光羅浮最奇勝
長作畫中人畫外此身賸
何用再杖藜情往已如贈
萬事皆幻影鴻爪亦奚證
惟君號曰寢是寢或旣寤
終古幽厓間見者呼欲應
前身老畫師須眉有人認

送于晦若試京兆

千將出匣萬人驚攬轡河山第一程橋畔爭看題柱客
關前須識棄繻生好攜鳳抱陳三策更製鴻詞賦兩京
似我壯心消歇久對君猶覺氣崢嶸

奚鐵生谿堂琴趣圖

鐵生人品甚高以孝廉方正徵不就阮芸臺秦小峴欲議

其人多方致之卒不往李翼韓
得此圖索題爲賦絕句其上

寂靜真同太古時幽居意與白雲遲撫弦休覓鍾期聽
自有高山流水知

讀史

誰令弟子佐強秦苛論眉山輒咎荀漢代治平稱第一
蘭陵門下再傳人

叔興父簋歌爲李翼韓作

李君好古識古製百鍊精金見周器掎方四角無圭稜
螭首雷文科斗識叔興父名載左邱其氏曰鬲出夏世
作是旅簋貽子孫千百年來埋寶氣歐趙探討所未及
董薛搜羅猶未備不知何時乃出土聞趙太常摹其字
阮公復向太常摹見積古齋鐘鼎款識點畫完缺此無異惟於其
器仍未見雖富收藏終憾事今君何處獲此寶鎮日摩
挲不忍置撫形攷制繪作圖更作詩歌自題記偏徵吟
詠又到我嗟我與君頗同嗜但無一物足藏弄徒向遺
篇生慕企思如此器世有幾豈惟我力不能致昔年曾

見提梁占

前明何象岡閣老家藏

可憐一遇失交臂羨君獨與古

緣深更卜尊彝此焉萃

次韻呂拔湖歲暮詩三首

鍼孔不爲窄溟海不爲寬重裘不爲暖禪葛不爲寒貴
不必廊廟賤不必邱園欣戚惟一心窮達無異觀老來
似知道閒居日杜門入耳何所愛夜有寒林喧呼吸中
自足任彼枯井乾時久旱城中井皆涸偶吟亦漫與勿令雕肺肝
生無適俗韻迂拙乃天賦薄才忝科舉敢謂士不遇况
乎宰百里縮符就王路妄意拯斯民箕穎非所慕雞鳴
風雨晦未敢迷旦暮孤懷易忤時卒亦麾使去去雖田

園蕪尙得親舊聚去住無不可世豈知其故

人生五十外便似日踰晝天卽假之年亦等五夜漏多

少故人車地下已輻輳彼戀軒冕榮類衣夜行繡請看

夕陽圖暮景悉奔湊惟君庭階樹孫枝茁新秀

君近抱曾孫

身存有百年已睹百年後一笑倒玉瓶毋用驚老瘦

朗山沒年餘矣歲暮檢案頭書得其贈襄卿舊作

次韻并示襄卿

手有深卮萬事輕醉吟時復似陰鏗短章疑讀逸民傳
厚地難埋飲者名鹿豕山中成莫逆蟲雞世上任喧爭
如今已作廣陵散宿草荒阡夕照明

朗山詩附

晚節誰令士論輕
憐君白首獨鏗鏗
無多衣食偏能
俠博嗜圖書
嬾近名粗服亂頭看
愈好蟲肝鼠臂笑
何爭不妨歲歲寒
梅下手拓僧念
卧月明

王茹泉招同金芑堂陸舜雲李陶村呂拔湖何澹
映梁荔浦春日小集次芑堂韻

何時相聚何時醉
一日能閒一日仙
恰有舊醅供醅酌
况當春色正暄妍
龐眉坐對人俱健
婪尾杯傳我尚先
座中無六十以下人
茹翁年八十九齒最長
余亦第三輩耳
試把韶華同細數
已過

五百五十

平聲年

茹泉疊前韻索和卽答

談禪豈必期成佛

先生通禪學

有酒何妨又學仙喜得故人

同老健好將詩句鬥春妍新筍初熟容予醉擊鉢催成
怯子先觴詠更尋他日會摩挲銅狄是千年

和王茹泉三疊韻

栖心淨域王摩詰掉鞅詞壇李謫仙小院良辰招雅會
東籬預約賞秋妍

來詩有采菊語

短章屬和那容後拄杖徐行

莫敢先白雪陽春三疊唱精神人訝是丁年

題畫絕句

營邱妙蹟杳難尋野岸棲鴉趣自深米老已成無李論

後人容易寫寒林

李營邱

妙絕桃花庵主筆水田不要柰渠何

湖上水田人不要誰來買我畫中山

六如

誰知異日求真蹟索價高於文沈多

唐子畏

文沈而還一大宗淋漓溼翠落層峯後來開得三王派

漸變房山墨點濃

董華亭

香清人靜獨憑闌一段閑情寫最難莫笑女郎纖腕弱

風枝爭愛馬湘蘭

揮石霜毫韻亦和漏痕釵股比書多樵來倘自矜豪健

柰比幽香澹遠何

錢籜石蘭

瘦骨圖成鈎勒微雪居健筆獨如飛太常供奉猶遺法

國初錢黍谷太常五月
心祇候皆學雪居畫者

零落而今繼者稀

孫雪居

答羅秋浦

琅琅詞賦動江關，昭諫才名許孰攀。
少事回思真轉瞬，卅年不見各蒼顏。
傳經君聚公超市，覓句余逢飯顆山。
珍重瑤篇遠相寄，和歌聊逐鴈聲還。

乙酉四月浴佛伍襄卿七十壽辰置酒招同兒輩

集小田園次韻

溪邊隨地有林園，任子花前倒酒樽。
初擬荷亭投竹杖，初約設席陳園叩門
還過柳渡叩柴門。不聞因移席小田園
軒窗盡啟宜長夏，雞黍相邀趁晚飧。
人世華筵介眉壽，今君真覺局新

翻

移居西郊與婿園比鄰次伊雲卿韻

違世無須嘅斧柯，婿鄉安樂有行窩。
傲霜尚倚數叢菊，印月新添一鑑波。
園初鑿小沼適成園借不妨成日涉，地幽真可養天和。
未裁沈約郊居賦，卜宅陶潛句若何。

六旬又歷幾光陰，搔首蕭蕭雪影侵。
徙宅喜能離市遠，出城便似入山深。
寒香初種梅三徑，烟翠斜欹竹半林。
可作菟裘此將老，從他華髮不勝簪。

乙酉潦漲記事兼懷伍襄卿七首

端陽連日雨淋漓，浪洶洶江波欲上床。
移卧小樓涼月出

關前一片海茫茫

盡室人都學海鷗中央我亦任沈浮鄰翁入市求鹽米
自縛柴門作小舟

門巷家家水半扉藕塘荷葉盡離披夕陽斜處炊烟斷

却有船來賣荔枝

地近半塘所種藕俱淹壞惟荔枝熟耳

菊槁梅枯可若何桐雖半死尙高柯小園草木吾奚惜

人有田廬付逝波

南三五縣皆被水

故人佛屋作幽廬咫尺何由訊起居身外知君無長物
只愁漂沒半床書

聞道西江水最深北江隄又潰千金漫憂滄海桑田變

須慮人間易陸沈

十日洪流尙渺漫問君何事久盤桓函關下用丸泥塞

轉使陽侯歸去難

時因海防虎門
口內皆堵塞

種菊次韻

編籬初夏種秋英玉蓋金盤不記名傍石早應呼作丈
依梅他日許爲兄只同老圃細民事不定柴桑隱者情
且任藕花先放了收成終得比春耕

學海堂登高次李陶村韻

等閒竹杖我頻來况值重陽菊正開氛祲全銷堪極目
秋風無恙好登臺吟邊短鬢防吹帽天外夕陽勸舉杯

古往今來君莫問敢題糕字便詩才

和陳香根患疥不出之作

偶示維摩疾幽踪久未尋乾坤有瘡痍身世足呻吟倚榻意無着閉門春正深皮毛任搔抑芥蒂不存心

造物好作劇知君能任真忘懷且高卧如晦自鳴晨况有含飴樂有孫知讀書惟勞捧盃人君納姬未久一朝痴脫盡還

汝健遊身

題楊椒坪春溪照影圖

繞門一曲清溪水搖漾波光十餘里中有高人楊義和飄然風度神仙似碧柳初垂春日晴桃花萬片朝霞生

朱顏綠鬢長如昨

舊句

溪上年年拄杖行

冬日過海幢寺赴寶筏上人之招得句兼呈符子

琴楊椒坪何一山邱璘卿同集諸子索和

數里煙波未覺遙
閒雲野鶴許相邀
薄絲適體欣冬暖
小舸尋僧恰早潮
滿眼溪山歸點綴
置身邱壑足消搖

上人盡出所藏古畫相示椒翁亦攜十餘卷冊至欣賞竟日

不須待飽伊蒲饌
塵慮

胷中已盡澆

疊韻簡楊椒坪

相隔終教一水遙
難同明月舉杯邀
欲呼鴨澣東西渡

要候鶯潭上下潮
好句屢勞霜葉寄

連日詩來見和

相思時夢

艣枝搖未會買得山陰權樽酒梅邊且獨澆

椒坪招集鶴洲草堂次瑤生韻

寒香再放曉窗梅故遣東風着意催高會羣賢連襪至
隔江野叟一舟來法書名畫儲藏富評書讀畫竟日未盡藝苑詞
壇領袖推不日陽春又煙景從君溪上看桃開

符子琴司馬見和三疊韻奉答

八載俄驚相見遙僧廬邂逅省招邀跡如吏隱非干祿
時復兵銷罷射潮地近便來禪榻坐君主魚雷局在海幢寺前風清
何碍塔鈴搖胸懷陶寫詩書畫足抵樽中酒與澆

望日忽雨恐不能赴椒坪之約四疊韻却寄

寒雨連江近亦遙樽罍恐負故人邀朔風跋扈迴孤櫂
煙靄冥濛急落潮眼纈生花還黯黯心旌不定尙搖搖
小園却喜回冬早芥圃薑畦不用澆

呼舟

湘老薌翁趁我閒呼舟同載荔枝灣乘潮櫂過鷺潭去
愛看潯峰幾疊山

丙戌元旦集萬壽禪院同呂拔湖伍襄卿

尋得禪棲避俗塵辛盤栢酒雜前陳漫言天老同人老

喜見春新恰歲新

元旦立春數十年未見俗
有謂爲天老者可笑也

君值介眉

須灌頂

襄卿七十一拔湖
七十飲尙能豪

我難濡首亦沾脣獨憐端郡

陳驚座屢作維摩示疾身

陳香根以足疾不至

四日再集酒後呼舟同訪海山仙館舊址

再酌屠蘇早與期醉來乘興復何之
枝頭好鳥春相喚溪畔輕舸晚更移
小院幾家方綺麗荒塘十頃但藩籬
誰知野水寒烟遍勝似樓臺金碧時

遺址空闊蒼涼殊有野趣

人日前一日三集喜香根至越日寄此

座對庭槐稱舉觴深深花木愛禪房
竟扶病足蹒跚至爭得閒身歲月長
佳日便來尋舊約豪懷不肯負春光
醉歸似有曹騰意曉起題詩寄草堂

偶步

幾里山村路未遙
新晴岼柳曉烟消
老夫嚮脚△差健
竹杖相扶過野橋

冬日冒雨赴香根小蓬仙館之招次何淡腴韻

荔灣買醉頗有園人境
或尙車馬喧隔江仙都在平地
不須石磴經幾盤一舟盪漾已渡海
萬花環繞都成村
吾家香老愛幽厰到此喜若逢仙源
春秋佳日輒嘯侶
共泛輕舸乘朝暎
朔風寒雨復不避拚命似嗜烹河豚
達者卽仙豈有骨靈芝是草那須根
渡江快哉載斗酒
金丹妙訣皆卮言
排雲踏浪後先至
竹間觴咏當前軒
緜嶺笙吹久寂寂
只有逸老能欵門
半酣檐際雨聲歇

乍覩樹底晴光翻興闌呼權各歸去天邊方側黃金盆
不知此間當年何人建此觀留與我輩今日相約攜匏
尊

符子琴司馬置酒魚雷局歸成長句爲謝

魚雷局
在海幢

傍寺

重溟戰具日奇剋水雷未已魚雷尙轟翻渤解碎龍宮
鏃甲兵輪氣摧喪曩年烽燧傳海疆備繕戈矛嚴隘防
置局設員司此雷符侯任之一何壯指揮談笑讐呼韓
乞款圭黎歸魏絳不戰屈人本 聖德有備無患自良
將昨夜長風氛殺銷讀畫談詩還跌宕江樓置酒集名

輩衰翁亦與傾家釀開窗極目烟波平城郭江山故無恙酒闌插劍送我歸落日沙邊起漁唱

送何一山赴福州

歸里不一載胡爲復遠遊往尋釣籠石重上射鷹樓曉日開征櫂浮雲別舊儔他年有鱸膾風利好回舟

椒坪屬題令祖看山遺照二絕句

無限烟蘿趁我閒一邱一壑也堪攀笑他豪語徒矜尙五嶽歸來不看山

契深泉石自忘還縱跡經年巖岫閒頗覺誠齋未專嗜看書纔了又看山

又題禮堂丈采蘭遺像

仙人拾瑤草楚客餐落英君子抱雅懷亦自愛幽香南
陔春日暖九畹秋露涼更從蕭艾中識此空谷芳斜陽
或荷笠曉起常攜筐采采欲遺誰美人思西方

雪鴻花圖爲楊椒坪題

偶拾羅浮瑤草還尋蒲澗玉英幽窗夜涼獨坐似有天
邊雁聲

夜疑野鶴翩躚曉訝江鷗迴旋霜前露外飛來沙白月
明不見

潘鴻軒文學百果圖歌

鴻軒先生抱高奇百篇斗酒長酣醉妙筆尤推工寫生
丹青點染時遊戲興來百果又成圖玉顆金枚非一類
蔓苾密望復見收丹荔黃蕉俱位置南方盡入稽含狀
異物不啻楊孚志從來畫史所無有求之園叟亦不備
先生傳家尙風雅哲子賢孫俱合器蘭孫才高尤類祖
秀語清詞復奇肆護持先蹟重此卷什襲藏之最緘祕
昨持示我索我題奇趣橫生難比例我聞逸少嗜種菓
橘柑李柰都羅致惜無妙畫兒其形獨有善書傳後世
此圖應比右軍書青李來禽人共貴

山堂對酒家麗秋同年談西使行事謹成長句奉

贈

九州外環大瀛海，鄒衍之說疑荒唐。唐豈知閱今百千載，
乃見重譯梯復航。泰西駢羅有十國，經緯度數皆可量。
其人明代漸還至，初猶服賈依海疆。繼以星厯達 廷
陛，列諸疇人等曹郎。聖朝覆幬更無外，山陬海澨求
通商。行人築館宮闕下，互市分隸南北洋。遠人來矣我
弗往，威德何自宣。遐方皇華特重使，臣選搜擇時彥求
其良。吾家太史夙遠抱，器量宏豁隘八荒。出膺是選
帝心悅，增以位秩崇。班行肅然奉 命渡溟渤，海波如
鏡平。不揚鯨鯢俯伏蛟，噩讐海若拜舞羣。龍翔泊岸萬

人逐鵠首見所未覩喜欲狂更乘飛車歷城阜遐陬共
得瞻冠裳蔚藍宮上接 天使贊普兀立殿左廂 國
書展誦識 聖德敬慕悅服豫且康禮畢雍容就館舍
詢訪政俗別否臧山川里道紀要隘倉廩食貨時豐穰
數年復命歸入對一一敷奏核且詳 帝嘉其勞顯厥
職此格初創原非常自此使臣日踵往重溟絕域如庭
堂迂儒頗戒勤遠畧邦域以外付杳茫長駕遠馭有其
道豈能鍵戶同閉蔽君昨老歸謝簪組把酒話舊還激
昂叙述雖奇事皆實論議非詭語亦莊笑彼尋源近塞
耳妄謂乘槎斗牛旁乃知當時耳目隘故令誑語紛鋪

張如今萬里在咫尺，佇看共球大小咸來王。

題張介如石竈烹茶圖

煮石仙人住石盦，稚川丹竈亦山南。
笑渠爐火無消息，不若從君作茗談。

我亦曾來石竈遊，據瓢相對酌清流。
丁未余與黎儕石攜一壺同醉於此
披圖今覩浮山色，陡憶前塵四十秋。

芭蕉修竹便面

芭蕉好招涼，脩竹不受暑。
窗外勿相彈，主人俱愛汝。

題畫

平沙繞出碧山西，山下人家半面溪。
莫放扁舟過對岸。

旂旁垂柳厭蓬低

又

空江秋色渺茫秋山未減青蒼野客自攜短櫂一聲歸
去滄浪

小田宗世兄以詩稿屬爲點定因題

氣猛才豪易語言吾家無已有詩孫光芒萬丈仍埋劍
躑躅頻年但短轅斫地哀歌人欲老故山歸卧道纒尊
漫嗟庾信長蕭瑟千古看渠一卷存

丙戌小田園登高次譚彤士工部韻

小樓幸未逐蒿萊偶借登高亦快哉捲箔櫂聲搖客到

隔江山色送秋來
招邀舊雨還今雨
爛漫深杯與淺杯
莫向鄰園感興廢

右爲景蘇園左則海山仙館今皆故趾矣

劉王亭苑早飛

埃

尺岡草堂遺詩卷之八終

男衍昌校字